



大日本史記
本紀
參

増生
775
3



4
77
3

大日本史卷一



神武天皇
綏靖天皇
安寧天皇
懿德天皇
孝昭天皇
孝安天皇

本紀第一

權中納言從三位源光圀修
男權中納言從三位綱條校



孝靈天皇

孝元天皇

開化天皇

神武天皇諱彥火火出見小名狹野古事紀曰一名

豐御彥波瀲武鸕鷀草葺不合尊第四子也本書一

毛沼第二子或曰玉依姬以庚午歲生皇代紀皇年代畧

記蓋據即位年推之又按愚管抄生而明達意確如

也年十五立為皇太子及長納吾平津媛為妃甲寅

歲天皇年四十五歲在日向高千穗宮天皇以下西

別久被其化東國未服從長髓彥奉饒速日命為主

兄猾第猾八十梟帥兄磯城第磯城等各為君長不

相統一天皇謂諸皇兄皇子曰古事紀曰與昔我天

神高皇產靈尊舉此豐葦原瑞穗國而授我天祖彥

火瓊瓊杵尊是時運屬鴻荒時鍾草昧故蒙以養正

治此西偏皇祖皇考乃神乃聖積慶重暉多歷年所

而遼邈之地猶未霑王澤遂使邑有君村有長各自

分疆用相陵轢又關於鹽土翁曰東有美地青山四

周中有乘天磐船飛降者余謂彼地足以恢弘大業

光宅天下厥飛降者謂饒速日歟何不就而都之乎

僉曰誠然我亦恒以為念宜速往焉十月五日辛酉

親帥皇兄五瀨命稻飯命三乞入野命及皇子手研
耳命舟師東征抵速吸門有一漁人來迎曰珍彦命
之鄉導賜名推根津彦行至筑紫菟狹菟狹津彦菟
狹津媛造宮奉饗以菟狹津媛賜侍臣天種子命為
妻十一月九日甲午至岡水門十二月二十七日壬
午至安藝居埃宮乙卯歲三月六日己未入吉備國
起行宮曰高島宮居之三年備舟楫蓄兵食將一舉
而平天下古事記曰天皇發日向國列豐國宇沙土
人宇沙都比古宇沙都比賣作宮設饗行
至筑紫居岡田宮一年又抵阿岐國居多祁理宮七
年又入吉備國居高島宮八年及發吉備列速吸門
遇槁根戊午歲二月十一日丁未皇師遂東舸艦直
津日子

進抵浪速國三月十日丙子胡流至河內草香邑青
雲白肩津四月九日甲辰勒兵步赴龍田路峻隘不
得竝行乃還欲東登瞻駒山而入中州長髓彦悉眾
徼之孔舍衛坂與戰不利流矢中五瀨命肱師不能
進天皇憂之乃深慮曰我孫子孫而向日征虜
是逆天也不若退還示弱禮祭神祇背負日神之威
隨影壓躡則不血又虜必自敗矣古事記為五瀨命所言於是
引軍而還虜亦不敢逼退至草香津植盾為雄誥因
改其津曰肩津古事記曰天皇自浪速至白肩津時
長髓彦逆戰玉師取舟中之楯禦之
號其地楯五月八日癸酉至茅渚山城水門五瀨命病
曰楯津

創甚撫劍大呼曰慨哉大丈夫為虜所傷將不報而死耶進至紀伊竈山而薨六月二十三日丁巳入名草邑誅名草戶畔遂歷狹野抵熊野神邑絕海而進遇暴風漂蕩稻飯命三毛入野命憤惋入海天皇至荒坂津本書註又誅丹敷戶畔時有神吐氣作毒觸者迷倒熊野人高倉下獻部靈劍天皇適寐忽寤曰予何長眠若此乎衆軍尋起既而進軍中洲嶮絕不可復行天皇夢天照大神誨曰今遣頭八咫鳥以鄉導會頭八咫鳥至天皇大喜古語拾遺曰賀茂縣主錄姓氏錄曰神魂命孫鴨建身命化如鳥奉導天皇嘉其有功八咫鳥跡從此始也今道臣命

帥大來目督將從頭八咫鳥而啓行遂出于菟田下縣八月三日乙未召菟田魁帥兄猾第猾兄猾不至第猾來奏兄猾反狀乃使道臣命誅之第猾大設牛酒饗皇師天皇班酒肉於軍乃為歌是謂來目歌親率輕兵巡幸吉野有人出井光而有尾古事記曰天皇問曰何人曰臣名井光是即吉野首等始祖也錄曰帝幸吉野至神瀨遣人汲水使還曰有井光女天皇召問之汝誰人答曰臣是自天降來白雲別神女名曰豐御富天皇即名水光姬今吉野連所祭水光神是也尋有排磐石出者亦有尾天皇又問之對曰磐排別之子是吉野國櫛部之光也姓氏錄曰時賜名國櫛沿水西行遇作梁捕魚者因問

之對曰苞苴擔之子是阿太養鷓部始祖也按古事記天皇從八咫鳥後入吉野初遇苞苴擔子次井光次磐排別子遂至菟田召兄猾第猾事皆與本書同而次序異九月五日戊辰天皇登菟田高倉山瞻望城中八十象帥軍國見岳上置女軍於女坂男軍於男坂燬炭於墨坂又有兄磯城兵跨磐余邑據守要害道路絕塞天皇惡之有祈而夢時會第猾奏其言與夢協天皇大喜命推根津彥第猾取天香山土造八十平瓮天牟挾嚴瓮親祭神祇於丹生川上祝曰吾當用八十平瓮無水造飴飴成則不做鋒又坐平天下飴果成又祝曰吾當沈嚴瓮於丹生川若群魚醉而浮

則吾能定國及沈瓮魚皆浮出天皇歡甚乃拔丹生川上真坂樹以祭諸神祭神用嚴瓮自此始又親顯齋祭高皇產靈尊敕道臣命為齋主授嚴媛號十月癸巳朔天皇嘗嚴瓮之糧勒兵而出遂破八十象帥於國見岳斬之迺授密旨於道臣命誘其餘黨殲之天皇曰戰勝而無驕良將之規也今賊魁既滅同惡未殄願軍一處非制變之道乃徙營別處十一月七日己巳大舉將攻磯城遣使召其魁兄磯城拒命第磯城來降因使第磯城曉諭兄磯城及兄倉下第倉下皆不聽乃用推根津彥計設奇兵自墨坂出其後

夾擊破之遂斬兄磯城十二月四日丙申進討長髓
彥連戰不克適天陰雨水有鷄集天皇弓弭金色暎
煜狀如流電賊軍迷眩不能復戰天皇常憾五瀨命
預命意必勦絕長髓彥長髓彥素奉饒速日命為君
故疑天皇詐稱天神子於是天皇出天羽羽矢及步
鞞視之長髓彥猶豫不降饒速日命敕長髓彥率眾
歸順天皇褒寵之賜子可美真手命以部靈劍賜以下舊
紀事已未歲二月二十日辛亥命諸將練士卒分遺偏
師誅層富縣土蜘蛛新城戶畔居勢祝猪祝等釋日本紀
日時謂賊之穴又高尾張邑有土蜘蛛身短而手足
居者為土蜘蛛

長皇軍結葛網掩殺之因改邑為葛城按本書先是

張邑有赤銅八十象帥據之則此云

三月七日丁卯

今曰自我東征於茲六年賴皇天之威凶徒就戮雖
遑土未靖餘妖尚梗而中洲之地無復風塵宜恢廓
皇都大壯規摹而今運屬屯蒙民心朴素巢棲穴處
習俗惟常夫大人立制義必隨時苟有利民何妨興
造且當披翦山林經營宮室而恭臨寶位以鎮元元
上則答乾靈授國之德下則弘皇孫養正之心然後
兼六合以開都掩八紘而為宇不亦可乎觀夫畝傍
山東南擅原地蓋國之塹區乎宜都于此是日命有

司經始檀原宮庚申歲九月二十四日乙巳本書作

甲子是月壬午朔無納媛踏鞢五十鈴媛為正妃

元年辛酉春正月庚辰朔即天皇位於檀原宮弼神

日本磐余彥火火出見天皇立正妃為皇后建神籬

祭八神鎮護國家建已下舊事紀古語拾天富命率

諸齋部捧天璽鏡劔奉安正殿天種子命奏天神壽

詞可美真手命率內物部執矛楯嚴儀衛道臣命率

來目部護衛宮門群臣朝賀舊事紀古語拾遺命天種子命

天富命主祭祀掌朝政舊事紀古語拾遺神職原抄可美真

手命獻十種天瑞寶及部靈劍舊事紀冬十一月十五

日庚寅可美真手命為天皇皇后祭天瑞寶以鎮御

魂祈壽祚詔每年仲冬中寅行之著為永式鎮魂祭

始于此舊事紀年

二年壬戌春二月二日乙巳定切行賞按舊事紀是日以可美真

手命天日方奇日方命為申食賜道臣命宅地以推

國政大夫附以備秩下倣之根津彥為倭國造第獨為猛田縣主第磯城為磯城

縣主劔根為葛城國造頭八咫鳥等賞賜有差

四年甲子春二月二十三日甲申詔曰吾皇祖之靈

自天降鑿光助朕躬今諸虜已平海內無事可以郊

祀天神用申大孝乃作時於鳥見山祭皇祖天神

三十一年辛卯夏四月乙酉朔車駕巡幸登腋上カミホ噉

間丘望地形曰妍哉乎國之獲矣雖内木綿之真ホ迄

國猶如蜻蛉之聲ナガヒ嗒焉ナガヒ秋津洲之彌始于此舊事紀

蜻蛉秋津國音相通

四十二年壬寅春正月三日甲寅立皇子神渟名川

耳尊為皇太子

七十六年丙子春三月十一日甲辰天皇崩於橿原

宮年一百二十七古事記曰壹伯參拾柒歲允古事

其異于各處葬取傍山東北陵古事記曰陵在取追

謚曰神武天皇傳稱賀茂下社奉祭天皇曰御祖神

事出于天皇云

綏靖天皇神武帝五子也本書為第三子據皇后所

兄今從母媛蹈鞬五十鈴媛皇后天皇天資純孝幼

而岐嶷有雄拔之氣及壯容貌魁偉志尚沉毅最長

武事神武帝四十二年立為皇太子時年十四時年

皇年代畧記按水鏡愚管鈔皇代紀並曰時及神武

帝崩悲慕無已悉心葬事丁丑歲九月十二日丙寅

葬神武天皇廢兄手研耳命久習朝機諒闇之間皇

太子委事行之手研耳命擅張威福包藏禍心圖害

二弟皇太子陰知之山陵事畢與母兄神八井耳命

謀^作弓矢為備已卯歲十一月會手研耳命卧片丘大
審皇太子謂神八井耳命曰言貴密事宜慎唯吾與
爾所常謀者適此時也吾先排尸爾隨射之皇太子
排尸神八井耳命戰慄不前皇太子奪其弓矢射殺
手研耳命神八井耳命嘆曰我即迺兄而懦弱不能
致果汝特挺雄武親誅元惡宜乎能繼天位以承皇
業吾當為汝輔奉典神祇據古事記天皇既殺手研
耳命因稱其名曰健沼河
耳尊今按沼澤名國音
相近健者武之稱也
元年庚辰春正月八日己卯皇太子即天皇位於葛
城高丘宮是為神澤名川耳天皇尊皇后曰皇太后

二年辛巳春正月立五十鈴依媛為皇后舊事紀曰
三年正月
以彥湯文命為
申食國政大夫
四年癸未夏四月神八井耳命薨
二十五年甲辰春正月七日戊子立磯城津彥玉手
看尊為皇太子

三十三年壬子夏五月天皇不豫十日癸酉崩年八
十四古事記曰
肆拾伍歲葬高市郡桃花島田丘上陵追諡曰
綏靖天皇
安寧天皇綏靖帝子也母五十鈴依媛皇后綏靖帝
二十五年立為皇太子時年十一本書舊事紀並曰
年二十一水鏡皇

年代畧記曰年十一據本書崩年五十七推之十一為得二字蓋衍三十三年五月綏靖帝崩七月三日乙丑皇太子即天皇位是為磯城津彥玉手看天皇

元年癸丑冬十月十一日丙申葬綏靖天皇尊皇后曰皇太后

二年甲寅遷都片鹽謂之浮孔宮皇代紀皇年代畧記歷代皇紀曰在大和郡

三年乙卯春正月五日壬午立淳名底仲媛為皇后舊事紀曰四年四月以出雲邑命為申食國政大夫大禰命為侍臣

十一年癸亥春正月壬戌朔立大日本彥耜友尊為

皇太子

三十八年庚寅冬十二月六日乙卯天皇崩年五十

七古事記曰葬敏傍山南御陰井上陵延喜式山追

謚曰安寧天皇
懿德天皇安寧帝第二子也水鏡皇代紀母淳名底仲媛皇后安寧帝十一年立為皇太子時年十六三

十八年十二月安寧帝崩

元年辛卯春二月四日壬子皇太子即天皇位是為大日本彥耜友天皇秋八月丙午朔葬安寧天皇九月十四日己丑尊皇后曰皇太后

二年壬辰春正月五日戊寅遷都於輕謂之曲峽宮
皇代紀皇年代畧記皇紀曰在大和高市郡古事記曲峽宮作境因宮 二月十一日癸丑立天豐津媛為皇后

二十二年壬子春二月十二日戊午本書作戊子今推甲子從舊事

紀立觀松彥香殖稻尊為皇太子

三十四年甲子秋九月八日辛未天皇崩年七十七

本書享年闕古事記曰肆拾伍歲今據立太子年推之從水鏡皇代紀皇年代畧記正統記 葬畝

傍山南織沙谿上陵追謚曰懿德天皇

孝昭天皇懿德帝子也母天豐津媛皇后懿德帝二

十二年立為皇太子時年十八三十四年九月懿德

帝崩明年乙丑十月十三日庚午葬懿德天皇

元年丙寅春正月九日甲午皇太子即天皇位是為

觀松彥香殖稻天皇夏四月五日己未尊皇后曰皇

太后秋七月遷都掖上謂之池心宮皇代紀皇紀曰在大和葛上郡

二十九年甲午春正月三日丙午立世襲足媛為皇

后

六十八年癸酉春正月十四日庚子立日本足彥國

押人尊為皇太子

八十三年戊子秋八月五日辛酉天皇崩年一百十

四本書享年闕古事記曰玖拾參歲今據立太子年推之從水鏡皇代紀皇年代畧記 葬掖上

博多山陵追謚曰孝昭天皇

孝安天皇孝昭帝第二子也母世襲足媛皇后孝昭帝六十八年立為皇太子時年二十八十三年八月孝昭帝崩

元年己丑春正月七日辛卯皇太子即天皇位是為日本足彥國押人天皇秋八月辛巳朔尊皇后曰皇太后

二年庚寅冬十月遷都於室謂之秋津島宮皇年代略記曰

在大和葛上郡舊事紀曰三年八月以六兒命三兒命故為宿禰

二十六年甲寅春二月十四日壬寅立押媛為皇后

三十八年丙寅秋八月十四日己丑葬孝昭天皇按

孝昭帝不應替延至此舊事紀為元年己丑八月葬疑當為是然上世遼邈不可得而知今據本書不輒改焉

七十六年甲辰春正月五日癸酉立大日本根子彥

太瓊尊為皇太子

一百二年庚午春正月九日丙午天皇崩年一百三

十七本書享年闕古事記曰壹佰貳拾參歲今據立太子年推之從水鏡皇代紀皇年代畧記葬

玉手丘上陵追謚曰孝安天皇

孝靈天皇孝安帝子也母押媛皇后孝安帝七十六年立為皇太子時年二十六一百二年正月孝安帝

崩九月十三日丙午葬孝安天皇十二月遷都黑田
謂之廬戶宮皇代紀皇年代畧記皇紀曰在大和城下郡

元年辛未春正月十二日癸卯皇太子即天皇位是

為大日本根子彥太瓊天皇尊皇后曰皇太后

二年壬申春二月十二日丙寅立細媛為皇后舊事紀曰

三年正月以大水口命
大矢口命並為宿禰

三十六年丙午春正月己亥朔立彥國牽尊為皇太

子

七十六年丙戌春二月八日癸丑天皇崩年一百二

十八本書享年闕古事記壹佰陸歲水鏡百三十四
今據立太子年推之從愚管鈔皇年代畧記

葬片丘馬坂陵追謚曰孝靈天皇

孝元天皇孝靈帝長子也母細媛皇后孝靈帝三十

六年立為皇太子時年十九七十六年二月孝靈帝

崩

元年丁亥春正月十四日甲申皇太子即天皇位是

為大日本根子彥國牽天皇尊皇后曰皇太后

四年庚寅春三月甲午本書曰春三月甲申朔甲午
今推甲子三月癸未朔十二

日甲午正月甲申朔十一日甲午遷都於輕謂之境原
午蓋正訛作三乎然無所校正

宮

六年壬辰秋九月六日癸卯葬孝靈天皇舊事紀曰
四年葬

七年癸巳春二月二日丁卯立ウツシロ鬱色ウツシロ謹為皇后舊事紀謹

作謎○舊事紀曰八年正月以大綜杵命為大禰

二十二年戊申春正月十四日壬午立稚日本根子

彥太日日尊為皇太子

三十九年乙丑夏六月大雪水鏡皇代紀皇年代畧記

五十七年癸未秋九月二日癸酉天皇崩年一百十

六本書享年闕古事記伍拾柒歲水鏡百十葬七今據立太子年推之從皇年代畧記劔池

島上陵古事記曰劔追謚曰孝元天皇

關化天皇孝元帝第二子也母鬱色謎皇后孝元帝

二十二年立為皇太子時年十六五十七年九月孝

元帝崩十一月十二日壬午皇太子即天皇位是為

稚日本根子彥太日日天皇

元年甲申春正月四日癸酉尊皇后曰皇太后冬十

月十三日戊申遷都春日謂之率川宮

五年戊子春二月六日壬子葬孝元天皇舊事紀曰

舊事紀以帝即位年紀元故與本書差一年今不取

如安康紀雄略紀仁賢紀亦以即位年為元年與本

六年己丑春正月十四日甲寅以伊香色謹為皇后

舊事紀謹作謎○舊事紀曰七年正月以武建命大峯命並為大禰

二十八年辛亥春正月五日丁酉立御間城入彥尊

爲皇太子

六十年癸未夏四月九日甲子天皇崩年一百十一
古事記曰陸拾參歲本書註舊事紀皆曰百十五皇
年代畧記曰百十一據立太子年推之實百十一也
故今葬春日率川坂本陵庭喜式追諡曰開化天皇
從之

天保九戌戌年春三月二十五日謹書寫之 中村直衛

大日本史卷一終

大日本史卷二

本紀第二

權中納言從三位源光圀修
男權中納言從三位綱條校

崇神天皇

垂仁天皇

景行天皇

成務天皇

崇神天皇開化帝第二子也母伊香色謎皇后天皇
資性聰敏幼好雄畧及壯寬博謹慎崇重神祇恒有

經綸天業之心。開化帝二十八年立為皇太子。時年十九。六十年四月。開化帝崩。十月三日乙卯葬。開化天皇。

元年甲申春正月十三日甲午皇太子即天皇位。是為御間城入彥五十瓊殖天皇。尊皇后曰皇太后。二月十六日丙寅立御間城姬為皇后。

三年丙戌秋九月遷都磯城。謂之瑞籬宮。

四年丁亥冬十月二十三日壬午詔曰。惟我祖宗光

臨宸極。豈為一身。蓋所以司牧人神。經綸天下。故能

世闡玄功。時流至德。今朕奉承大運。愛育黎元。何當

聿遵皇祖之跡。永保無窮之祚。其群卿百僚。竭爾忠

負共安天下。舊事紀曰。是歲二月。以建美命為侍臣。

五年戊子。民多疾疫。死亡大半。

六年己丑。百姓流離。或有背叛。天皇憂惕。請罪神祇。

先是祭天照大神。倭大國魂神於殿內。至此畏其瀆

神。使皇女豐鍬入姬。遷神鏡靈劍於倭笠縫邑。而祭

天照大神。別摸鏡劍奉安殿內。以為護身御璽。遷摸

據古語拾遺。鎮座傳記。又命皇女淳名城入姬。祭大

倭姬世記。鎮座本紀。一說曰。垂仁帝二十六年丁

國魂神。已十月使倭姬建祠。伊勢奉祀大神。時倭大

神憑大水口宿禰曰。太初之時。約曰。天照大神。悉治大

天原皇御孫尊。專治葦原中國八十魂神。我親治大

地宮者御間城天皇雖祭祀神祇未深根源粗留枝
葉故天皇短命今沙御孫尊悔先皇之不及而慎修
祭祀則壽命延長天下太平天皇聞之及使中臣連
祖探湯主卜誰能祭者淳名城推姬命卜食因命之
定神地于窄磯臣立祠大市長岡岬而淳名城推
姬身體瘦弱不任祭事乃改命長尾市宿禰奉祭
七年庚寅春二月十五日辛卯詔曰昔我皇祖大啓
鴻基聖業逾高王風轉盛不意今當朕世數有災害
恐朝無善政取咎於神祇蓋命神龜以極致災之所
由於是天皇幸神淺茅原卜之於八十萬神乃祭大
物主神冬十一月八日巳卯按本書諸本作丁卯今
推干反據卜部兼永本
訂命伊香色雄為班神物者使太田田根子祭大物
主大神長尾市祭倭大國魂神然後卜祭他神吉乃

別祭八十萬神定天社國社神地神戶於是疫疾始
息年豐民安

八年辛卯冬十二月二十日乙卯令大田田根子祭
大神掌酒活日獻神酒而歌放因宴神宮宴竟天皇及
諸大夫等歌

九年壬辰夏四月十六日巳酉天皇感夢祠墨坂神
大坂神奉幣帛於河瀨御尾神奉幣以下
古事記

十年癸巳秋七月二十四日巳酉詔曰導民之本在
於教化今既禮神祇災害悉息然遠荒之人未慣王
化其選群卿遣于四方令知朕意九月九日甲午遣

大彥命於北陸武滄川別於東海吉備津彥命於西
道丹波道主命於丹波因詔曰有不受教者舉兵伐
之既而共授印綬為將軍將軍始于此將軍始于此
皇正統記古事記曰遣大彥命于高志道武滄川別
于東方十二道令平不順者又遣彥坐王于丹波殺
致賀耳御笠而不載吉備津及發會武埴安彥反與
彥命丹波道主命與本書異
妻吾田媛欲襲京師即使大彥命吉備津彥命彥國
葺討之武埴安彥吾田媛伏誅冬十月乙卯朔詔群
臣曰反者伏誅幾內無事唯海外荒俗騷動未止其
四道將軍速行二十二日丙子大彥命等發京師
十一年甲午夏四月二十八日巳卯四道將軍奏平

戎夷狀是歲異俗多歸國內安寧

十二年乙未春三月十一日丁亥詔曰朕初養天位
獲保宗廟明有所蔽德不能綏是以陰陽謬錯寒暑
失序疫病大作百姓蒙災故今解罪改過敦禮神祇
垂教而綏荒俗用兵以討不服是以官無廢事下無
逸民教化流行衆庶樂業異俗重譯海外歸化宜當
此時更校人民令知長幼之次序課役之先後秋九
月十六日巳丑始校人民更課調役此謂男弭調女
手末調至是神祇和享風雨順時百穀有稔家給人
足天下太平故稱曰御肇國天皇

本書詔下
有白字

十七年庚子秋七月丙午朔詔舩者天下之要用也
而今海邊之民甚苦陸運其令諸國造舩舩冬十月
始造舩舩皇代紀皇年代畧記歷代皇紀濫觴抄曰
十四年丁酉伊豆國獻巨舩未知何據
四十八年辛未夏四月十九日丙寅立活目尊為皇
太子令豐城命治東國

六十年癸未秋七月出雲振根以獻神寶故殺第飯
入根遣吉備津彥命武渟川別討振根振根伏誅
六十二年乙酉秋七月二日丙辰詔曰農者天下之
大本民所恃以生也今河內狹山埴田水乏百姓怠
於農事其多闕池溝以廣民業冬十月作依網池十

一月作苧坂池反折池本書註一說曰帝居

六十五年戊子秋七月任那國始遣菴那曷叱知朝
貢是歲始造熊野本宮是歲以下水鏡皇年代畧記

六十八年辛卯冬十二月五日壬子天皇崩年一百
十九古事記曰壹佰陸拾捌歲本書舊事紀並曰百
九也故二十水鏡曰百十九據立太子年推之實百十
今從之葬山邊道上陵皇紀曰帝世始名人民製衣

追謚曰崇神天皇

垂仁天皇崇神帝第三子也母御間城姬皇后以崇
神帝二十九年壬子春正月己亥朔生於瑞籬宮生
而有岐疑之姿及壯個儻大度率性任真無所矯飾

一平異也

帝鍾愛之常在左右四十八年正月崇神帝謂天皇
及豐城命曰朕於二子慈愛無異不知孰為嗣有夢
宜告朕以夢占之二皇子沐浴而寢谷得夢明日豐
城命入奏臣夢登御諸山向東弄槍八擊刀八天皇
奏夢登御諸山巔絕繩四方逐啄粟雀崇神帝諭之
曰兄唯向東宜治東國弟臨四方宜繼朕位遂立天
皇為皇太子時年二十本書曰二十四水鏡曰二十
實二十也六十八年十二月崇神帝崩
元年壬辰春正月二日戊寅皇太子即天皇位是為
活目入彥五十狹茅天皇冬十月十一日癸丑葬崇

神天皇本書崇神紀曰八月甲寅
葬蓋有一誤未知孰是十一月二日癸酉

尊皇后曰皇太后

二年癸巳春二月九日巳卯立狹穗姬為皇后冬十
月遷都纏向謂之珠城宮皇代紀皇年代畧記皇
紀曰在大和城上郡是
歲任那使蘓那曷叱智請歸國許之恃厚給與賜赤
絹一百匹於任那王新羅人邀道奪之二國始構怨
三年甲午春三月新羅王子天日槍歸化藏所齋寶
物於但馬土人崇奉為神寶
五年丙申冬十月巳卯朔幸來目高宮皇后兄狹穗
彥謀反使將軍八綱田討之狹穗彥伏誅皇后死城

中

七年戊戌秋七月七日乙亥召當麻人蹶速出雲人野見宿禰觀角力

十五年丙午秋八月壬午朔立日葉酢媛為皇后納其三妹淳葉田瓊入媛真碓野媛薊瓊入媛竝為妃

是月星隕如雨是月以下水鏡

二十五年丙辰春二月八日甲子詔武渟川別彥國

葺大鹿島十根武日五大夫舊事紀曰二十三年八月以十市根

命為大夫我先皇惟獻作聖欽明聰達深執謙損志

懷冲退網繆機衛禮祭神祇克已勤躬日慎一日是

以人民富足天下太平今當朕世祭祀神祇豈得有

怠三月十日丙申使倭姬代豐鍬入姬奉齋天照太

神倭姬奉天照太神立祠伊勢建齋宮於五十鈴川

上

二十六年丁巳秋八月三日庚辰遣物部十根檢

出雲神寶仍命掌之冬十月甲子本書二十五

忍朔無甲子遷天照太神宮於渡遇今推干支十月丁

姑從舊文以大鹿島為祭主大幡主為大神主倭姬

二十七年戊午秋八月七日己卯令祠官卜兵器為

祭幣吉乃納弓矢刀於諸社更定神地神戶以時祭

之以兵器祭神始于此是歲置屯倉于來目邑按本德紀曰纏向玉城宮使太子大足彥尊定倭屯田而不載其年月蓋謂之乎然是年太子未立或追稱之也

二十八年己未冬十月五日庚午倭彥命薨聚近習為殉天皇聞而惻之詔群卿曰生而所愛死而為殉不亦慘乎雖古之遺風曷可遵用自今議止之

三十二年癸亥秋七月六日己卯皇后日葉酢媛崩詔曰殉死之俗前知不可今此之葬為之奈何野見宿禰奏請以土物代之天皇嘉之立為永制以野見宿禰任土部職建真利根命獻石棺賜姓石作連建真

以下姓氏錄

三十四年乙丑春三月二日丙寅行幸山背

三十五年丙寅秋九月遣皇子五十瓊敷命于河內

作高石池第渟池冬十月作倭狹城池迹見池古事記曰

作血沼池狹山池高津池按血沼與第渟國語相近是歲令諸國開池溝凡八

百以勸農事民賴殷富

三十七年戊辰春正月戊寅朔立大足彥尊為皇太子

三十九年庚午冬十月五十瓊敷命作劔一千口藏于石上神宮天皇聞之命五十瓊敷命掌之為定河

上部為定以下

八十六年丁巳遣使於漢皇紀濫觴抄按後漢書曰建武中元二年倭國奉貢使人自稱大夫正與之合然本書無所見恐非朝廷所命也書以備考

八十七年戊午春二月五日辛卯物部十市根代五

十瓊敷命掌石上神寶

八十八年己未秋七月十日戊午遣使徂馬詔清彥

獻其神寶救藏之官府

九十年辛酉春二月庚子朔遣田道間守求トキメ非時香

菓於常世國

九十九年庚午秋七月戊午朔今推干文七月乙巳朔戊午十四日也疑

有脫誤舊事紀戊子朔亦誤又按本書天皇崩于纏景行紀曰春二月崩與此異未知孰是

向宮年一百三十九古事記曰壹佰伍拾參歲本書以崇神帝二十九年壬子生至庚

午實一百三十九歲正差一年葬管原伏見陵延喜式曰伏見東陵古事記作菅原追謚曰垂仁天皇

御立野續日本紀作櫛見山陵

景行天皇垂仁帝第三子也母日葉酢媛皇后天皇

姿貌雄偉長一丈二寸脛四尺一寸天皇姿貌以下

仁帝三十年天皇與兄五十瓊敷命侍於帝側帝曰

二子試言情願五十瓊敷命曰願得弓矢天皇曰欲

得皇位因賜弓矢五十瓊敷命謂天皇曰汝必繼朕

位三十七年立為太子時年二十一九十九年垂仁

帝崩十二月十日壬子葬垂仁天皇

元年辛未秋七月十二日巳卯皇太子即天皇位是

為大足彥忍代別天皇舊事紀曰尊皇后曰皇太后

按本書垂仁帝三十二年皇

后日葉酢媛崩其後無立后之文舊事紀所書不知

何人且舊事紀孝元帝以後尊皇后曰皇太后下每

紀必書尊皇太后追贈太皇太后而太皇太后是歲

稱謂本書一無所見蓋後人所妄加今不取

田道間守得杏葉於常世國而歸

二年壬申春三月三日戊辰舊事紀立播磨稻日大

即媛為皇后

三年癸酉春二月欲奉紀伊親祭神祇卜之不吉遣

屋主忍男武雄心命祭之

四年甲戌春二月十一日甲子行幸美濃冬十一月

庚辰朔乘輿還自美濃都纏向謂之日代宮

十二年壬午秋七月筑紫熊襲反八月十五日巳酉

車駕親征九月五日戊辰次周勞泌磨天皇南望曰

烟氣簇起賊必在此先遣武諸木菟名手夏花察之

有女子神夏磯媛國之魁師部衆最多聞使者至來

降告曰菟狹川鼻壘御木川耳壘高羽川麻剝綠野

川土折猪折此四賊各據要害拒絕皇命請急擊之

於是武諸木等誘降麻剝賞以赤衣禪及雜貨使之

招降三賊隨至悉誅之天皇進至豐前長峽縣造行

一本二作一

一本甲戌
作壬戌

宮而居故號其處曰京冬十月天皇至碩田國速見
邑有女子速津媛爲邑之長來告曰鼠石窟有青土
蜘蛛白土蜘蛛直入縣禰疑野有打狻八田國摩侶
三土蜘蛛負力擁衆皆曰不從皇命若強召之必爲
劇寇天皇惡之駐軍于來田見邑權興宮室居之與
群臣議今以兵衆臨之彼逃匿山野必爲後患因簡
銳卒以海石榴作椎授之披山排莽直襲石窟破之
稻葉川上悉殺青白二賊進至禰疑山討打狻賊據
山雨射引軍還城原卜于水上勒兵先擊八田於禰
疑野破之打狻等恐懼請降不聽皆投崔谷而死初

天皇以柏峽大野有巨石長六尺天皇祝曰朕試蹴
石其輕如柏葉則得滅土蜘蛛因蹴而騰之故名其
石曰踏石十一月辛日向起行宮是謂高屋宮十二
月五日丁酉議討熊襲詔群卿曰朕聞賊帥厚鹿文
在鹿文醜類甚多謂之熊襲八十梟帥其鋒不可當
兵寡則不足滅賊多則百姓被害將有何計不假鋒
又坐平其國時有一臣進曰彼有二女曰市乾鹿文
市鹿文美而有勇宜啗以重幣誘納之使其圖之賊
必敗矣天皇從之招納二女陽磔市乾鹿文旣而市
乾鹿文進策請一二兵爲使者歸家飲父以醇酒何

具辭臥密斷弓弦從兵進殺之天皇惡其大逆誅市
乾鹿文以妹市鹿文賜火國造

十三年癸未夏五月襲國悉平是月賜諸國民姓

是月是以下皇代紀皇年代畧記皇紀
濫觴抄按帝王編年記係五年

十七年丁亥春三月十二日己酉帝子湯縣丹裳小
野東望思歸而歌是謂思邦歌

十八年戊子春三月車駕發高屋宮巡狩筑紫到夷
守諸縣君泉媛獻食夏四月三日甲子至熊縣召熊
津彥兄弟兄熊應命弟熊不來遣兵誅之十一日壬
申泛海泊葦北小島方食使小左進水島素無水小

左祈神祇寒泉忽湧酌以獻因號水島五月壬辰朔
至火國六月三日癸亥至玉杵名邑誅土蜘蛛津頗
十六日丙子至阿蘇國秋七月四日甲午至御木國
居高田行宮七日丁酉至八女縣八月至浮羽邑
十九年己丑秋九月二十日癸卯天皇至自日向
二十年庚寅春二月四日甲申遣五百野皇女祭天
照太神

二十五年乙未秋七月三日壬午遣武內宿禰觀察
東北諸國地形民風

二十七年丁酉春二月十二日壬子武內宿禰還自

東國秋八月熊襲又反冬十月十三日己酉使皇子
日本武尊討熊襲舊事紀係二十年蓋誤十二月日本武尊誅
川上梟帥餘黨悉平

二十八年庚戌春二月乙丑朔日本武尊歸奏平賊
狀

四十年庚戌夏六月東夷反秋七月十六日戊戌天
皇親授斧鉞於日本武尊征之吉備武彥大伴武日
從焉封皇子大碓命於美濃冬十月日本武尊發京
師過伊勢拜神宮倭姬以草薙劍授之
四十三年癸丑東夷悉平日本武尊歸至伊勢能褒

野而疾獻俘虜於神宮使吉備武彥奏捷京師尋薨
天皇悼惜錄其功名為定武部

五十一年辛酉春正月七日戊子召群臣宴數日秋
八月四日壬子立稚足彥尊為皇太子以武內宿禰
為棟梁臣倭姬上言日本武尊所獻蝦夷凶戾誼譁
不可近神宮命徙之御諸山側虜伐木劫民詔曰蝦
夷本有獸心難任中國宜隨其習性分居畿外乃放
諸播磨讚岐伊豫安藝阿波伊豫諸本作伊勢
今據兼永本訂之
五十二年壬戌夏五月四日丁未皇后播磨大郎姬
崩秋七月七日己酉立八坂入姬為皇后

五十三年癸亥秋八月丁卯朔詔曰朕顧愛子何日能已冀欲巡狩小碓王所平之國是月乘輿幸伊勢轉入東海冬十月至上總從海路抵淡水門十二月還至伊勢居綺宮

五十四年甲子秋九月十九日己酉還自伊勢居纏向宮

五十五年乙丑春二月五日壬辰以彥狹島王拜東山道十五國都督薨于路

五十六年丙寅秋八月使御諸別王襲父彥狹島職時蝦夷擾亂御諸別討平之

五十七年丁卯秋九月作坂手池築堤栽竹冬十月令諸國置田部屯倉

五十八年戊辰春二月十一日辛亥行幸近江居志賀是謂高穴穗宮是歲始造熊野新宮是歲以下水鏡熊野畧記

引古今皇代圖按編年記為二十年蓋誤六十年庚午冬十一月七日辛卯天皇崩于高穴穗

宮年一百四十三古事記曰壹佰參拾柒歲本書舊事紀並曰一百六歲水鏡曰百四十三今據立太子年推之實一百四十三也故從之葬大和山邊道上陵追諡

曰景行天皇成務天皇景行帝第四子也母八坂入姬皇后身長

一丈身以下水鏡景行帝五十一年正月賜宴群臣天皇

及武內宿禰不朝召問故對曰百僚宴樂情在戲遊

不存國家若有狂夫伺隙乎故侍門下備非常帝嘉

之按本書曰四十六年立為皇太子而景行紀五十一

一年正月書皇子八月壬子書立為皇太子其文

明確雖無他考證事實八月立為皇太子本書曰年

立太子年月從六十一年十一月景行帝崩

元年辛未春正月五日戊子皇太子即天皇位於高

穴穗宮高穴穗宮據舊事紀古事記是為稚足天皇

二年壬申冬十一月十日壬午葬景行天皇尊皇后

曰皇太后尊皇后舊事紀係元年

三年癸酉春正月七日己卯始以武內宿禰為大臣

延喜式公卿補任正統記皆曰大臣號始于武內按

舊事紀自懿德朝以出雲也命為大臣以下書任大

臣亦多而本書所不載今不取

四年甲戌春二月丙寅朔詔曰我先皇聰明神武膺

錄受圖順天治人撥亂反正德侔覆燾道協造化是

以普天率土莫不王臣稟氣懷靈莫不得所朕嗣踐

寶祚夙夜兢惕然黎元蠢爾不悛野心是由國郡無

君長縣邑無首渠也自今以後國郡立長縣邑置首

取幹之者任其首長以為中區之藩屏

五年乙亥秋九月令國郡立造長縣邑置稻置並賜

楯矛以為表界山河分國縣隨行陌定邑里東西為日縱南北為日橫山陽曰影面山陰曰背面是以百姓安居天下無事

四十八年戊午春三月庚辰朔立皇姪足仲彥為皇

太子古事記曰帝娶建忍山龜根女弟則即女生和

代畧記等諸書皆云帝無男且無納后妃

之文古事記所載無所考實故今不取

六十年庚午夏六月十一日己卯天皇崩本書曰一

事記曰玖拾伍歲水鏡曰一百九按本書紀首書景

行帝四十六年為皇太子時年二十四姑從此文推

之則九十八歲然其文難據說見上參互景行五十

與百七歲不合無葬大和狹城角列陵延喜式曰狹

所取決故不書

山陵追謚曰成務天皇

天保九戌戌年夏四月十三日

中村直衛

大日本史卷三

本紀第三

權中納言從三位源光圀修
男權中納言從三位綱條校

仲哀天皇

應神天皇

仲哀天皇日本武尊第二子也母兩道入姬按本書

后然無為皇后天皇容姿端正身長十尺成務帝四

十八年立為皇太子本書註舊事記註並曰時年三

武尊薨至此凡六十六年據年三十一則以成務帝
十八年生距日本武尊薨三十六年且本書元年詔

有朕未逮弱冠而父王既崩之文其誤可知故不取
六十年六月成務帝崩明年辛未九月六日丁酉葬成務天皇

元年壬申春正月十一日庚子皇太子即天皇位是

為足仲彥天皇秋九月丙戌朔尊兩道入姬曰皇太

后冬十月以大伴武以為大連大連始于此冬十月

喜武愚管鈔公卿補任按舊事紀垂仁帝二十三年以物部大新河命為大臣尋改大臣號大連今不取

十一月乙酉朔詔諸國貢白鳥養之於日本武尊陵

城之池閏月四日戊午越國貢白鳥四皇第蘆鬚蒲

見別王有罪伏誅

二年癸酉春正月十一日甲子立氣長足姬為皇后

舟一本作兵

二月六日戊子行幸角鹿造行宮而居之是謂筭飯

宮是月置淡路屯倉三月十五日丁卯天皇巡狩南

國留皇后及百寮於角鹿卿大夫以下官人數百從

駕至紀伊居德勒津宮會熊襲反天皇親征舟師直

指穴門是日遣使角鹿令皇后會于穴門夏六月十

日庚寅天皇泊豐浦津皇后至停田門有海鯽魚多

傍船而游皇后以酒灑之魚醉而浮漁人得之以為

聖主之賜自是每歲六月魚浮如醉秋七月五日乙

卯皇后至自角鹿是日皇后得如意珠於海中九月

興宮室于穴門居之是謂豐浦宮

八年己卯春正月四日壬午進幸筑紫因縣主祖熊
鰐來迎於周勞沙磨浦獻魚鹽地指導海路自山鹿
岬轉入國浦而船不進天皇責熊鰐熊鰐謝曰是非
臣罪浦口有二神曰大倉主曰菟夫羅媛必此所爲
天皇使菟田伊賀彥祭之舟乃得進皇后自洞海至
潮涸舟不能進熊鰐惶懼乃作池沼多聚魚鳥使皇
后觀焉后忿稍解既而潮至進泊因津時筑紫五十
迹手來迎穴門引島獻八尺瓊白銅鏡十握劍因奏
曰臣所以獻之者願天皇御宇如八尺瓊之勾以妙
照臨山海如白銅鏡之分明提十握劍以平天下矣

天皇嘉之賜號伊蘓志二十一日己亥幸灘縣居檀
日宮秋九月五日己卯與群臣議討熊襲時有神憑
皇后曰天皇何憂熊襲之不服是簪之空國也豈足
煩兵哉別有寶國金銀彩色多生其地謂之栲衾新
羅國其御船及穴門大田爲幣以祭我當使天皇有
其國而熊襲亦自服矣天皇疑焉使登岳遙望海曠
遠不見國乃曰朕周望之有海無國神何誘朕且我
皇祖諸天皇盡祭神祇豈有所遣耶神又憑皇后曰
我之所見何謂無之天皇誹謗我言如此則不得其
國今皇后有身其子當得之天皇終不聽討熊襲不

克而還是歲秦始皇之奮功滿王來朝是歲以下姓實錄仁和三載功滿王四年歸化獻珍寶蠶種攬九年庚辰春二月五日丁未天皇忽有身痛六日戊申崩于檀日宮本書註一本及舊事紀曰天皇討熊勸天皇彈琴以祈神于時日暮而琴音頓絕舉火視之天皇忽有身痛而明日崩即知不信神教而中賊夫早崩古事記曰天皇將討熊曾國而彈琴健內大臣居沙庭請神命皇后以神言白天皇而天皇不信遂舍琴不彈神大怒健內大臣勸使彈之未幾不聞琴音舉火而視既崩矣神書皇后生應神帝於筑紫下載一說曰天皇不信神誨忽病而崩蓋有非常之事而所崇然據上諸說考之天皇之崩蓋有非常之事而隱諱遷就其實難得而知矣又按本書註舊事紀古事記並言崩年五十二然生年無定說繆誤不足取皇后及武內宿禰祕不發喪皇后詔中臣烏賊津

大三輪大友主物部瞻咋大伴武以等舊事紀載物部多遲麻連帥百寮守宮中密令武內宿禰奉梓宮從海路至穴門殯於豐浦宮皇后傷天皇慢神早崩乃解罪改過欲得寶國即命百寮造齋宮於小山田邑三月壬申朔消吉入齋宮親為神主使武內宿禰奏琴以中臣烏賊津為審神者以千繒高繒置琴頭尾而詣曰嚮所教者為何神也禱七日神告曰伊勢國五十鈴宮所居神撞賢木嚴之御魂天疎向津媛命也又問別有神乎曰尾田吾田節之淡郡所居神又問曰玉籤入彥嚴之事代神又問曰不知有無烏賊津曰今

不答而後有言乎曰日向國橋小門之水底所居神
表筒男中筒男底筒男遂不復言乃從神語祭之尋
遣鴨別討熊襲旬日而服荷持田村有羽白熊鷲者
人身鳥翼強健能飛劫盜作害皇后欲誅之十七日
戊子發檀日宮至松峽宮二十日辛卯出軍層增岐
野擊滅之二十五日丙申轉至山門縣誅土蜘蛛田
油津媛其兄夏羽帥衆來迎聞田油津誅即亡夏四
月三日甲辰皇后至火前國松浦縣食于玉島河上
乃勾針作釣以飯爲餌裳縷爲緡登磯石投竿祝曰
吾可得寶國河魚吞之果獲細鱗魚自是每歲四月

上旬女子釣獲年魚如男子雖釣不能獲魚皇后喜
神言有驗決意西征更祭神祇置神田作裂田溝漑
之皇后還檀日浦解髮臨海曰吾奉神祇之教賴皇
祖之靈欲涉滄海躬致西征今濯髮海水若有驗髮
分而兩即入海濯之髮自分焉隨爲兩髻謂群臣曰
興師動衆國之大事安危成敗必在于斯今有所征
伐以事委群臣事若不成不得不委罪於群臣是可
憂也吾婦女不肖當假狀男子以資雄略上倚神祇
下賴群臣振兵甲而度嶮浪整舩舶以求財土事成
群臣共其功不成吾獨有罪群臣皆曰皇后爲天下

計臣等敢不奉詔秋九月十日巳卯令諸國繕船練
甲久之兵衆不集皇后謂此必神之意因建大三輪
社奉刀矛以祭軍衆自聚於是使海人烏摩呂見海
中之國還曰無所見也又使名草往復命曰西北有
山帶雲橫亘蓋有國乎乃卜日刻期皇后親執斧鉞
令三軍曰金鼓無節旌旗錯亂則士卒不整貪財多
欲懷私內顧則必爲敵擒寡而勿輕強而無屈奸暴
勿赦降服勿殺勝者必賞走者必罪時有神誨曰和
魂從玉體以護壽荒魂爲先鋒而導舟師皇后拜命
因以依網吾彥男垂見爲祭神主此時皇后適當產

月乃取石挿腰祝曰願事竟還日生於茲土後人傳
爲鎮懷石後人以下據萬葉集按萬葉集鎮懷石兩
類在筑前怡土郡深江村子負原或曰在
肥前彼杵郡古老相傳皇后入袖中爲鎮懷古事記
曰所纏御裳之石在筑紫伊斗村釋日本紀引筑紫
風土記筑前風土記並使荒魂爲先鋒詰和魂以鎮
日在怡土郡兒饗原船冬十月三日辛丑遂發和珥津古事記曰皇后從
神教以真木灰寶孰多作箸比羅大魚夾船風順浪揚不勞擄楫直抵
傳浮之海而渡新羅潮水怒漲逮其國中新羅王波沙寐錦本書註
一本作宇流助戰慄不知所爲曰自新羅建國以來未嘗聞
富智干戰慄不知所爲曰自新羅建國以來未嘗聞
海水凌國意天運衰竭國其海乎言未畢旌旗蔽海
鼓吹震地新羅王遙望以爲非常之兵將滅已國倉

皇警伏既而悟曰吾聞東有神國曰日本有聖主曰
天皇是其神兵也豈可舉兵以拒乎即封國籍素組
面縛素飾來降向舩叩頭請自今而後永為飼部春
秋獻馬梳馬鞭年貢男女之調乃誓曰若朝日出西
始舍之及阿利那禮河水反逆流河石屏為星辰闕
春秋之朝廢梳鞭之貢天神地祇殛之或言斬新羅
王皇后曰初承神教將授金銀之國又令三軍勿殺
自服今既得國入亦降服殺之不祥乃解其縛為飼
部八幡愚童訓太平記曰皇后征新羅非問罪之師止降服
朝貢耳不應辱國王如此已甚二書所載未如何據
蓋以上世有火酢芥命苗裔諸隼人等代吠狗而奉

製

事之說附會為此說耳三善清行意見封事曰本朝
戒器強努為神其為用也短於追擊長於守禦古語
相傳云此器神切皇后奇巧思別所製作也故大
唐雖有弩名曾不如此器之勁利也按造強弩蓋在
征韓之時乎然本書遂入其都封重寶府庫收圖籍
所不載附以備攷
文書以所杖矛樹之新羅國門以為後世之證其矛
相傳在國門云新羅王以波珍干岐微叱已知為質
獻金銀彩綾羅縑絹等八十舩從是新羅調貢以
八十舩為制本書註一本曰禽新羅王額脚海邊令旬
新羅宰而還新羅王夫人不知埋王屍之處乃欺宰
曰汝告我以埋屍地必厚報之且吾為汝東宰信其
言密告之於是夫人與國人共議殺宰改葬王屍及
突取宰屍於皇籍之內而安王觀於其上曰尊卑次第
固當如此皇后聞之震怒夫起軍眾欲滅新
羅軍艦滿海新羅悚懼共殺夫人以謝罪
高麗百

濟聞新羅降密偵吾軍勢度不可勝亦來降叩頭曰
自今以後永稱西蕃調貢無怠因命定内屯官家古
記曰以百濟於是三韓悉服祭荒魂以鎮其國祭以
國定渡屯家於是三韓悉服祭荒魂以鎮其國下古
事記振旅而還十二月產皇子於筑紫是為應神帝
皇后從神教立祠穴門山田邑祭表筒男中筒男底
筒男神之荒魂以踐立為祭主葬天皇於河内長野
陵我廷喜式曰惠追諡曰仲哀天皇
應神天皇仲哀帝第四子也母氣長足姬皇后以仲
哀帝九年十二月十四日辛亥生于筑紫救田幼而
聰達玄鑿深遠動容進止聖表有異腕上肉起如鞞

似皇后雄裝負鞞故名譽田按本書註古亦稱胎中
天皇本書繼體紀辛巳歲二月皇后奉天皇帥百僚
至豐浦宮發仲哀帝喪將奉梓宮還京時天皇庶兄
麿坂王忍熊王舉兵要皇師于播磨會麿坂死忍熊
退屯住吉皇后即使武内宿禰懷天皇轉自南海古
記曰皇后疑人心具喪船至紀伊水門皇后直向難
載皇子詐言皇子既大波舟忽不行還務古水門卜之適得神言即從其言
立諸神祠祭焉舩遂進忍熊又退軍荒路皇后乃會
天皇於紀伊日高入小竹宮計議進討時天色晦暝
如夜連日三月五日庚子皇后遣武内宿禰武振熊

擊忍熊忍熊敗死十月二日甲子群臣尊皇后曰皇

太后臨朝攝政武內宿禰為大臣如故武內以下補任按舊事紀

是日以物部多遲麻連公為大連壬午歲十一月八日甲午葬仲哀

天皇癸未歲正月三日戊子皇太后立天皇為皇太

子時年四歲本書註及舊事紀曰三歲按帝以仲哀

年代都磐余謂之稚櫻宮舊事紀曰是日以物部已酉

歲正月七日己酉新羅遣汗禮斯伐毛麻利叱智富

羅毋智朝貢微叱許智請歸國皇太后許之遣葛城

襲津彥送之癸巳歲二月八日甲子皇太后命武內

宿禰奉皇太子詣角鹿筭飯大神古事記曰忍熊既

子將禊歷淡海若狹達角鹿作行官而居適夢伊奢

沙和氣大神諭太子曰以吾名易太子名本書註一

說曰太子拜筭飯大神時大神與太子相易其名故

號大神曰去來紗別神太子名譽田別尊然則可謂

大神本名譽田別神太子元十七日癸酉至自角鹿

皇太后設宴大殿舉觴為皇太子壽而歌武內宿禰

代皇太子答歌已未歲遣使於魏庚申歲魏主遣其

建中校尉梯儁來聘癸亥歲遣使於魏已未歲以下

志丙寅歲三月乙亥朔遣斯摩宿禰于阜淳國其王

末錦昇岐告斯摩宿禰以百濟仰化之狀斯摩宿禰

乃遣使慰問百濟其王肖古陳欵歸化斯摩宿禰遂

還按仲哀帝九年神功伐新羅三韓悉服至此四十

七年而曰百濟始通者前後矛盾蓋神功時雖既

服未入朝至是始貢調乎未詳丁卯歲四月百濟使久氐彌州流莫古與新羅使共朝貢皇太后皇太子大喜曰先帝所欲國人今來朝痛哉不及見也群臣皆為掩涕是時新羅奪百濟貢物相易而獻敕責新羅使者遣千熊長彥於新羅責問之己巳歲三月以荒田別鹿拔別為將軍率百濟人久氐等討新羅破之遂定比自炆南加羅喙國安羅多羅阜淳加羅七國庚午歲二月荒田別等還五月千熊長彥及久氐至自百濟辛未歲三月百濟又遣久氐朝貢按久氐去年至自百濟而本書不載其還皇太后謂皇太子及武內宿禰曰惟是百濟國者是

天所致非由人力玩好珍物歲時貢獻吾每喜焉其敦加恩惠即遣千熊長彥護送久氐賜命百濟王曰吾從神所誨始開道路平定海西以賜百濟今厚結好永寵賞之百濟王誓願曰恩重天地何日忘之聖王在上明如日月今臣居下固如山岳永為西蕃終無貳心壬申歲九月十日丙子百濟使久氐從千熊長彥來乃貢七枚刀七子鏡各一及重寶數種乙亥歲百濟王肖古卒丙子歲百濟王費須立壬午歲新羅不朝使龔津彥討之甲申歲百濟王費須卒子枕流立乙酉歲百濟王枕流卒子何花年少叔父辰斯

纂立丙戌歲遣使於晉本書註引已丑歲四月十七日丁丑皇太后崩十月十五日壬申葬氣長足姬皇后

元年庚寅春正月丁亥朔皇太子即天皇位年七十

一是為譽田別天皇都輕島都以下舊事紀古事記謂之明宮

舊事紀作豐明宮宇佐訖宣集引帝王系圖曰輕島明宮在大和高市郡

二年辛卯春三月壬子本書曰春三月庚戌朔壬子今推甲子三月庚辰朔無壬子

三年壬辰冬十月三日癸酉東掖夷朝貢即使掖夷

作麻坂道十一日海人擾動不從皇命遣大濱宿禰

為海人宰安輯之是歲遣紀角宿禰羽田矢代宿禰

蘓我石川宿禰平群木菟宿禰於百濟讓責辰斯失

禮國人殺辰斯以謝角宿禰等立阿花而歸

五年甲午秋八月十三日壬寅定諸國海人及山守

部冬十月令伊豆作船長十丈試之於海輕疾如馳

名曰枯野

六年乙未春二月行幸近江

七年丙申高麗百濟新羅任那入貢使武內宿禰領

韓人作池因號韓人池古事記作百濟池

八年丁酉春三月以百濟王阿花無禮削東韓之地

阿花懼使其子直支來朝謝罪本書註引

九年戊戌夏四月遣武內宿禰于筑紫監察百姓帝按

王編年記十年辛丑創輕市未知何據姑附于此

十一年庚子冬十月作劔池輕池鹿垣池麻坂池

十四年癸卯春二月百濟貢縫衣女是歲秦始皇之

裔秦以下弓月君自百濟來秦臣領國人歸化為新

羅所拒留于加羅乃遣葛城襲津彦於加羅召之

十五年甲辰秋八月六日丁卯百濟王阿花使阿直

岐貢良馬二古事記曰百濟照古王使阿知吉遣荒

田別於百濟徵王仁古事記曰命百濟王以求賢人

十六年乙巳春二月百濟王使王仁古事記作和通

和通國音相近率冶工阜素具服西素釀酒仁番等來朝獻

論語十卷十字文一卷率以下古事記又曰仁番亦

而作是歲百濟王阿花卒教直支還國嗣位賜所削

東韓之地秋八月詔遣平群木菟的戶田於加羅本

書仁德記盾人宿禰賜姓率兵莅新羅之境問襲津

日的戶田宿禰蓋追禰之彦不歸之狀新羅王服罪木菟等將襲津彦及弓月

人口而歸

十九年戊申冬十月戊戌朔行幸吉野宮國標人獻

醴酒歌而仰笑自是獻貢歲以為常

二十年己酉秋九月漢主劉宏之裔漢主以下阿知

使主率其子都加使主及黨類十七縣人來歸

二十二年辛亥春三月五日戊子行幸難波大隅宮

夏四月妃兄媛歸寧吉備秋九月六日丙戌狩淡路

島巡省吉備行幸小豆島十月庚寅至葉田葦守宮

兄媛兄御友別來謁獻食天皇喜之封其子弟於吉

備諸縣古事記曰仁德帝幸吉備海部直之女黑日

歌后聞之大怒起奪其舩而使步歸其御帝眷戀不已託

言幸淡路島而將赴吉備比至淡路遙望而歌遂至

吉備黑日賣獻食以菘菜作羹帝為歌云今

按與此相類疑一事而所記各異附以備攷

倭木滿致擅政天皇聞其暴戾召之

二十八年丁巳秋九月高麗王遣使朝貢表文無禮

詰責使者壞其表

三十一年庚申秋八月詔曰官舩枯野伊豆國所貢

之舩也朽不堪用然久為官用欲不泯其名而得傳

後世於是群卿令有司毀舩為薪以煮鹽得五百籠

頒賜諸國因命作舩諸國獻舩五百艘湊於武庫水

門會新羅調使泊武庫失火延燒所湊之舩讓責其

使新羅王懼貢良匠初煮鹽之時舩材有不焦者天

皇異之命作琴果良材也古事記曰仁德帝時免寸

河西有喬木朝日則影逮

淡路島夕日則越高安山伐之作松其行輕捷呼曰
枯野用且夕運淡路島寒泉以為供御及壞燒鹽以
焦餘作琴音聞七里按此
亦疑一事而所記各異

三十七年丙寅春二月戊午朔遣阿知使主都加使
主千兵求縫工女按是時吳亡入晉蓋沿稱舊號下倣之

三十九年戊辰百濟王直支使其妹新齋都媛入侍
按本書二十五年直支卒子久爾卒立據東國通鑑是歲百濟北流王五年此云直支者疑有誤

四十年己巳春正月二十四日甲子立菟道稚郎子
為皇太子命大鷦鷯皇子輔之使大山守皇子掌山

川林野舊事紀曰以物部印葉連公為大連
四十一年庚午春二月十五日戊申天皇崩于明宮

本書註一本年一百一十一古事記曰壹佰參拾歲本云大隅宮年記一百一十一按帝以仲哀九年庚辰生

代畧記即位年七十一至庚午實百一十一歲也故從水
鏡等是月阿知使主等率工女兒媛弟媛吳織穴織

至自吳葬河內惠我藻伏山岡陵本書葬闕今據古事記延喜式皇年

代畧追謚曰應神天皇元明帝和銅五年造鷹居社
於豐前宇佐郡號八幡大神宮宇佐託宣集按造宇

帝三十二年今推覈事實欽明朝神靈始見清和帝
於世而造宮在和銅五年其說詳見元明紀

創山城男山以為宗廟歲時奉祭石清水八幡緣起正統記

天保九戊戌年閏四月二日書寫之今日又
文德天皇實錄十卷寫訖因記之云

中村萬喜直道

大日本史卷四

本紀第四

權中納言從三位源光圀修
男權中納言從三位細條校

仁德天皇

履中天皇

反正天皇

允恭天皇

仁德天皇應神帝第四子也母仲姬皇后天皇之生
有木兔入殿是日大臣武內宿禰亦生子鷦鷯入產

室應神帝以爲祥謂武內宿祢曰今朕之子與大臣
之子同日而生兼有瑞祥取其鳥名相易名子以爲
後葉之契因名天皇曰大鷦鷯四十年正月應神帝
問天皇及大山守皇子曰汝等愛子耶對曰甚愛又
問長與少孰愛之大山守曰不如長子帝素愛少子
菟道稚郎子欲立爲太子故不悅天皇揣其意對曰
長者多經寒暑既爲成人更無虞矣少子未知其成
故最憐之帝大喜曰寔合朕意遂立稚郎子爲皇太
子使天皇輔之四十一年二月應神帝崩皇太子讓
位于天皇避之菟道宮天皇以名分素定不聽會大

山守皇子謀反天皇知其計密告皇太子備兵殺之
皇太子固欲天皇踐位而相讓三年民不知所歸天
皇執志益確皇太子知其不可奪遂自殺

元年癸酉春正月三日己卯天皇即位時年二十四

年據水鏡皇是爲大鷦鷯天皇尊皇后曰皇太后武
年代畧記內宿祢爲大臣如故武內以下都攝津難波謂之高

津宮宮室弗墜梁楹弗飾務從節儉不奪民時

二年甲戌春三月八日戊寅立磐之媛爲皇后

四年丙子春二月六日甲子詔曰朕登高臺以遠望
烟氣不起於城中是百姓旣貧家無炊者也朕聞古

聖王之世人誦詠德之音家有康哉之歌今朕臨億
兆於茲三年頌聲不作炊煙鮮少即知五穀不登百
姓窮乏封畿之內猶有不給者况畿外諸國耶三月
二十一日己酉詔曰自今之後三載悉除課役息百
姓之苦黼衣鞋履不弊盡不更為溫飯煖羹不酸饑
不之易少心約志以從事於無為是後宮垣頽而不
造茅茨壞而不葺風雨順時五穀豐穰三年而百姓
殷富歡聲盈路

七年己卯夏四月辛未朔天皇登臺遠望謂皇后曰
朕殷富矣彼何憂乎皇后曰今宮室朽壞不免暴露

何謂富乎天皇曰天之立君是為百姓故君以百姓

為本古昔聖王一人饑寒顧之責身百姓貧則朕貧

也百姓富則朕富也未有百姓富而君貧者矣今饗

烟盛起是百姓富也水鏡神皇正統記曰此時天皇
喜而哥曰多嘉岐夜耳能保利

氏美礼波計牟理多豆多美能加麻汁波
耳岐和比耳計利本書不載今附于此

秋八月九日丁丑為公來穗別皇子定壬生部按本
書履

中紀三十一年立為皇太子下註時年十五崩下註
時年七十據之則是時履中帝未生然此本文而彼

分註或有謬誤
說見履中記為皇后定萬城部九月諸國請曰課

役並免既經三年而宮殿朽壞府庫既空今黔首富

饒路不拾遺家有餘儲請輸稅調以修宮室不聽

十年壬午冬十月始科課役以造宮室百姓扶老攜幼爭先來赴運材負簣日夜營作未幾而宮室悉成十一年癸未夏四月十七日甲午詔曰朕見是國郊澤曠遠田圃少乏河水橫流奔注不駛每逢霖雨海潮逆上蒼里乘船道路泥濘其宜決流通海以全田宅冬十月鑿宮北之郊原號曰堀江築茨田堤是歲新羅人朝貢因從是役

十二年甲申秋七月三日癸酉高麗貢鐵盾鐵的八月十日己酉賜饗於高麗使命群臣射所貢盾的冬十月鑿溝於山背粟隈縣以溉田民被其利

十三年乙酉秋九月始置茨田屯倉因定春米部冬

十月作和珥池築橫野堤古事記曰又作依網池堀

書古事記作依網池在崇神帝時蓋古事記重出

十四年丙戌冬十一月建猪耳津橋号曰小橋是歲

開火道于京師南門直達丹比邑又鑿溝於威玖

十七年己丑新羅不朝貢秋九月遣的砥田賢遺臣

責問之新羅懼乃貢調絹雜品凡八十艘

三十年壬寅秋九月十一日乙丑皇后率紀國抹豐

樂節會御綱栢豐樂節會是日天皇納矢田皇女為

妃冬十月七日庚申天皇行幸山背至筒城宮

三十一年癸卯春正月十五日丁卯立太來穗列尊
為皇太子

三十五年丁未夏六月皇后崩於筒城宮

三十七年己酉冬十一月十二日乙酉葬皇后

三十八年庚戌春正月六日戊寅立妃矢田皇女為

皇后

四十年壬子春三月集別皇子嶋鳥皇女有罪並賜

死

四十一年癸丑春三月遣紀角宿祢於百濟始分國

郡疆場具錄物產

四十三年乙卯秋九月庚子朔依網阿弭古得鷹獻

之令百濟酒君調養之幸百古鳥野而遊獵獲雉數

十始定鷹耳部

五十年癸亥春三月五日丙申河內人奏茨田堤雁

生子

古事記云天皇將豐樂而行幸日女島時鳥雁生卯

五十三年乙丑新羅不朝貢夏五月遣竹葉瀨責之

途得白鹿還獻之詔重遣其弟田道新羅及田道擊

破之虜四邑人民以歸

五十五年丁卯蝦夷反遣田道討之田道敗死是歲

大臣武內宿祢薨

是歲以下水鏡補任皇年代畧記按帝王編年紀曰七十八年薨

慮

五十八年庚午夏五月荒陵松林南道忽生歷木二
株夾路而末合冬十月高麗朝貢其人來姓氏錄曰
自吳國主孫皓之後意富加年招君仁德帝賜君地
於茨田邑因爲茨田勝也今按吳人來朝疑即是人
歟

六十二年甲戌夏五月遠江國司上言大井河漂來
大木兩歧大十圍遣倭吾子籠用造御船是歲始置
氷室

六十五年丁丑遣難波根子武振熊誅飛驒賊宿儺
六十七年己卯冬十月五日甲申行幸河內石津原
作壽陵是歲吉備中國川島有大虬人被其毒當此

時妖氣稍動叛者始起天皇輕賦薄斂以寬民力布
德施惠以振困窮吊死問病以養孤孀是以風化大
行二十餘年天下無事

八十七年己亥春正月十六日癸卯天皇崩年一百

十本書享年闕古事記曰捌拾參歲誤矣葬百古鳥

野陵延喜式曰百古鳥耳原中原天皇幼而聰明容貌端麗及壯

仁寬慈惠夙興夜寐專心政理通溝渠作堤防鑿闢

郊原以乞貧民是以海內富庶稱爲聖帝嘗與矢田

皇后避暑高臺聞苑餓野鹿鳴而愛之一夕鹿不鳴

明日猪名縣佐伯部獻鹿天皇問何處獲之曰獲之

菟餓野天皇謂皇后曰計獲鹿之日與所獲之地蓋
朕所愛者也獲者雖無心朕未釋然不欲使彼近皇
后乃命移佐伯部於安藝淳田愚管鈔編年記曰平野
也今按仁德帝平野大明神仁德天皇

履中天皇仁德帝長子也母磐之媛皇后仁德帝三
十一年立為皇太子八十七年正月仁德帝崩皇太
子居難波宮既除喪未即位住吉仲皇子反舉兵圍
宮皇太子方被酒卧時平群木鬼物部大前阿知使
主等入告皇太子不信木鬼等扶皇太子上馬而逃
本書註一本曰大前宿祢抱太子上馬而遁
古事記曰阿知直竊奉太子上馬而遁仲皇子遂焚

宜字有
直字

宮皇太子至河内埴生坂而醒埴生坂古事記顧視
作多遲比野煙燄太驚馳自大坂將入倭至飛鳥山下遇一少女
問山有人乎答曰執兵者充滿山中宜由當摩路皇
太子乃發當摩兵踰龍田山見執兵者數十人皇太
子疑其為賊伏兵于山中使人問對曰淡路野鳥海
人也以阿曇濱子命追太子皇太子發伏悉捕獲焉
倭吾子籠聚兵將邀皇太子而望其兵衆懼而降皇
太子駐石上振神宮瑞齒別皇子誅仲皇子而來告
是日擒阿曇濱子十月七日巳丑葬仁德天皇
元年庚子春二月壬午朔皇太子即天皇位於磐余

稚櫻宮

旧事紀曰尊皇后曰皇太后然與大是為去

來穗別天皇夏四月十七日丁酉召阿曇濱子減死

黥之釋野島海人罪役於倭蔣代屯倉秋七月四日

壬子納葦田黑媛為妃

二年辛丑春正月四日巳酉立皇弟瑞齒別皇子為

皇太子冬十月遷都磐余平群木鬼籬我滿智物部

伊宮佛葛城圓共執國政十一月作磐余池

三年壬寅冬十一月六日辛未天皇與皇妃泛舟宴

于磐余市磯池

四年癸卯秋八月八日戊戌始置史於諸國記民言

事達四方志冬十月鑿石上溝

五年庚辰秋九月十八日壬寅天皇狩淡路島停以

黥徒為飼部十九日癸卯皇妃山間至天皇廻駕而

還二十七日丙午至自淡路

六年乙巳春正月六日戊子立草香幡梭皇女為皇

后九日辛卯始置藏職因定藏部古事記曰仲皇子

任藏官蓋二月癸丑朔納大姬即姬高鶴即姬為嬪

三月天皇不豫十五日丙申崩於稚櫻宮本書仁德

下註時年十五崩下註時年七十舊史紀同今按天

皇年十五為太子則以仁德帝十七年生崩年當七

十七一書矛盾據仁德帝七年定壬生部謬誤可知

水鏡為太子年五即位年六十二崩年六十七皇代

畧記仁德二十七年生餘同上古事記崩年陸拾肆
歲正統記六十七歷代皇紀即位六十四崩年七十
諸說不一葬百舌鳥耳原陵延喜式曰百舌追謚曰
不足考據履中天皇

反正天皇履中帝同母弟也生於淡路宮生而駢齒

汲瑞井具浴時多遲花飄落井中飛入湯瓮中因名

天皇曰多遲比瑞齒別皇子古事記作蜷仁德帝乃

置多治部於諸國為天皇湯沐邑置多治部以下姓

水齒別命之御多遲今虎杖也及長美風姿身長九

尺二寸五分齒長一寸二分身長以下古初履中帝

為太子也避住吉仲皇子之亂駐石上振神宮天皇

迨至履中帝意疑而不見天皇使人奏曰僕無黑心

唯以太子在來赴耳履中帝使告曰我避仲皇子之

難以至于此豈得不疑汝乎汝寔無黑心還難波而

殺仲皇子天皇啓曰太子何憂之有今仲皇子無道

群臣百姓共怨惡之門下人皆有離心無為之謀者

臣雖知其逆以未受命無由自奮今已被命誅之寔

不難也唯恐事平後猶且見疑願得忠直者一人與

俱帝遣平群木兔往天皇難曰今太子與仲皇子皆

我兄也誰從誰乖然除無道就有道其誰非我乃至

難波誘仲皇子近臣刺領巾曰為我殺皇子我必厚

報汝乃脫錦衣禪與之刺領中遂刺仲皇子殺之天
皇用木兔言誅刺領中古事記曰瑞齒別皇子誘中
言則以汝為大臣使治天下曾婆加理對曰汝從中
厚賜之曰為我殺王曾婆加理竊伺中王入廁刺殺
之瑞齒別皇子以為彼難有刃於吾既殺其君是不
義然不酬其功則謂我無信於是授之大臣位令群
臣拜作豐樂賜宴曾婆加理歡喜以為得意行酒之
間瑞齒別皇子取所置席下之劍斬殺之水鏡為履
中帝即日赴倭夜半至石上復命履中帝召見廢寵
之賜村合也倉履中帝即位明年立為皇太子六年
三月履中帝崩十月四日壬子葬履中天皇
元年丙午春正月二日戊寅皇太子即天皇位是為
瑞齒別天皇葛城圓執政如故葛城以秋八月六日

已酉立津野媛為皇夫人冬十月遷都於河內丹比
謂之柴籬宮

六年辛亥春正月丙午今推交干六年正月戊申朔
年正月崩然舊事紀類聚國史並云五年正月甲申
朔丙午天皇崩按五年歲在庚戌允恭元年正月甲申
崩在五年則辛亥年空位據允恭紀元年位在壬子
經年月之文二書所載足以取信然從舊不輒改天
皇崩于正寢本書享年闕古事記水鏡正統記皇紀
十年生然皇母磐之姬以仁德帝三葬百古鳥耳原
十五年崩諸說不足信今無所攷葬百古鳥耳原
陵延喜式曰百古鳥耳原北陵在位之間風雨順時五穀成熟人
民富饒海內無事追謚曰反正天皇
允恭天皇反正帝同母弟也自幼仁惠謙遜六年正

月及正帝崩群臣議云方今大鷦鷯天皇之子存者
雄朝津間稚子宿禰皇子與大草香皇子耳然雄朝
津間稚子宿禰皇子長且仁孝乃選吉日上天皇璽
天皇謝曰予不幸久罹篤疾不能行步且初欲除病
裂膚療之猶未得痊先皇責曰汝為毀體不孝孰甚
焉雖得長生不得繼業予兄二天王亦謂予不似卿
等所共知也夫天下大器也帝位鴻業也民之父母
豈庸愚之任乎寡人不敢當更擇賢主群臣再拜言
帝位不可久曠天命不可謙拒今不正位號恐百姓
望絕願大王俯就群議以允其請天皇再讓不許

元年壬子冬十二月妃忍坂大中姬勸從群臣請群
臣又再拜上天皇璽以因請天皇曰群卿為天下諸
寡人何不肯從遂許之即天皇位於遠明日香宮遠

日宮據
古事記

是為雄朝津間野稚子宿禰天皇

二年癸丑春二月十四日己酉立忍坂大中姬為皇
后為定刑部古事記葛城圓執政如故葛城以
下補任

三年甲寅春正月辛酉朔遣使新羅求醫秋八月醫

至古事記曰新羅貢使名金波鎮療天皇病未幾得

瘳厚賞遣之

四年乙卯秋九月詔正氏族詐冒會諸氏人於味檀

丘誓神探湯

五年丙辰秋七月十四日巳丑地震葛城玉田有罪
伏誅冬十一月十一日甲申葬反正天皇

八年巳未春二月行幸藤原為衣通姬定藤原部造
河内第淳宮以居衣通姬自是天皇數獵日根野

九年庚申春二月行幸第淳宮秋八月冬十月又幸
十年辛酉春正月行幸第淳宮

十一年壬戌春三月四日丙午行幸第淳宮
十四年乙丑秋九月十二日甲子獵淡路島

二十三年甲戌春三月七日庚子立木梨輕皇子為

皇太子為定輕部定輕部古史記舊事紀曰是日以
物部麥入宿禰物部大前宿禰並
為大連

二十四年乙亥夏六月御膳羹凍卜之曰彛倫內亂
親親相姦流輕大娘於伊豫

四十二年癸巳春正月十四日戊子天皇崩本書享
年闕舊
事紀古事記七十八水鏡愚管鈔正統紀等諸書並
云八十今按天皇反正帝同母弟也母后崩至今歲
九十八年則諸葬河內長野原陵古事記曰惠賀長
書皆誤故不取
長野追謚曰允恭天皇
北陵

天保九戊戌年庚五月十一日謹書寫之

中村萬喜直衛

大日本史卷五

本紀第五

權中納言從三位源光圀
修男權中納言從三位綱條校

安康天皇

雄略天皇

清寧天皇

顯宗天皇

安康天皇允恭帝第三子也一云書為第二子其下註

恭紀為第三子明矣古事記亦同故從之母忍坂大中姬皇后四十二年

正月允恭帝崩新羅遣使來弔獻樂工八十人調船八十艘皆素服哭泣拜殯宮列調奏樂冬十月十日巳卯葬允恭天皇十一月新羅使還是時皇太子湍虐滋甚國人謗之群臣不服歸望天皇皇太子懼變容設兵將襲天皇發事不成匿物部大前家天皇圍之皇太子自殺十二月十四日壬午天皇即位是為允穗天皇尊皇后曰皇太后葛城圓為大臣如故城以下公卿補仕舊事記曰以物部大連子連公為大連遷都石上謂之允穗宮元年甲午春二月殺皇叔大草香皇子納中蒂姬為妃

二年乙未春正月十七日巳酉立妃中蒂姬為皇后三年丙申秋八月九日壬辰天皇行幸山宮為眉輪王所弑崩年五十六本書享年闕今從古後三年葬菅原伏見陵延喜式曰菅原伏見西陵追謚曰安康天皇雄畧天皇允恭帝第五子安康帝同母弟也初生神光滿殿長而剛健過人三年八月安康帝遇弑大舍人走告變天皇疑諸兄戎服率兵逼母兄八鈞白彥皇子問其所以皇子不答天皇拔刀斬之又問母兄坂合黑彥皇子亦不答天皇愈怒黑彥皇子恐與眉輪王亡匿大臣葛城圓弟天皇圍第縱火悉殺之十

月殺市邊押磐皇子御馬皇子十一月十三日甲子

設壇於泊瀨朝倉即天皇位遂都焉秦氏錄曰彼諸

藏於宮側以納貢物故是為大泊瀨幼武天皇以平

群真鳥為大臣大伴室屋物部目為大連

元年丁酉春三月三日壬子立幡梭皇女為皇后是

月葛城韓媛和珥童女君為妃本書曰是月立三妃

按納推媛在七年故不書

二年戊戌冬十月三日癸酉行幸吉野宮六日丙子

獵御馬瀨是日至自吉野宮始置穴人部是月置史

戶河上舍人部

四年庚子春三月獵葛城山秋八月十八日戊申行

幸吉野宮二十日庚戌獵河上小野

五年辛丑春二月獵葛城山野猪突至天皇勅舍人

曰猛獸逢人則止宜逆射而刺之舍人怖避之猪直

前欲觸天皇天皇以弓自捍而踏殺之秋七月百濟

王加須利君遣其第軍君入侍

六年壬寅春二月四日乙卯行幸泊瀨小野三月七

日丁亥令后妃躬桑以勸蠶事夏四月其人貢獻

七年癸卯秋八月遣物部兵士誅吉備下道前津屋

竝族七十人是歲以吉備田狹為任那國司納吉備

推媛爲妃是時新羅久不朝貢遣田狹子第君及吉
備海部赤尾伐之取道百濟賜書百濟王令獻伎工
田狹據任那反通謀于第君使之據百濟第君妻樟
樟惟殺第君遂與赤尾將百濟諸技工而歸
八年甲辰春二月遣身狹耆檜隈博德于兵國是歲
高麗擊新羅圍筑足流城新羅請救于任那日本府
行軍元帥任那王諭膳班鳩吉備小梨難波赤日子
率兵救之大破之

九年乙巳春二月甲子朔遣凡河內香賜與采女祭
胸肩神香賜采女事聞天皇怒其瀆神乃遣難波

日鷹誅之香賜逃匿復遣弓削豐穗大索國中執而
斬之三月天皇欲親征新羅有神戒曰勿征也因遣
紀小弓蘓我韓子大伴訖小鹿火等伐之詔曰新羅
自居西土累葉稱臣朝聘無違貢職允濟逮朕之王
天下投身對馬之外竄跡匪羅之表阻高麗之貢吞
百濟之城况彼朝聘既闕貢職莫修狼子野心飽颺
飢附以汝四卿拜爲大將宜以王師薄伐襲行天罰
於是諸將率兵擊新羅大破之喙地悉定再率兵擊
其余衆大伴談紀罔前來目力戰而死紀小弓病卒
于軍夏五月紀大磐往新羅擅奪小鹿火所管兵馬

殺蘓我韓子

十年丙午秋九月身狹青自吳還

十一年丁未夏五月辛亥朔近江象太郡上言有白

鷓鴣集谷上濱詔置川瀨舍人秋七月吳人費信自

百濟來歸化

十二年戊申夏四月四日己卯使身狹青檜隈博德

於吳冬十月十日壬午命木工鬪雞御田始起樓閣

十三年己酉秋八月播磨御井隈人文石小麻呂多

力暴戾不輸租賦劫剽路人奪掠商舶遣小野大樹

誅之

十四年庚戌春正月十三日戊寅身狹青等還自吳

與吳使及工人漢織吳織縫衣兄媛弟媛共來泊住

吉津三月關磯齒津路以迎吳使處其工人於檜隈

野以兄媛奉大三輪神以弟媛為漢衣縫部夏四月

甲午朔饗吳使根使主有罪伏誅

十五年辛亥詔聚秦民百八十部姓氏錄曰九十二

七十人賜秦酒公又從秦民作八大藏於官側置大

藏官以酒公為長官從秦民以下

十六年壬子秋七月詔宜桑國縣植桑分從秦民使

獻庸調冬十月詔聚漢部定其伴造

十七年癸丑春三月二日戊寅置贊土師部

十八年甲寅秋八月十日戊申遣物部菟代物部目

誅伊勢賊朝日郎

十九年乙卯春三月十三日戊寅置元穗部是冬高

麗滅百濟本書註引

二十一年丁巳春三月賜久麻那利地於百濟汶洲

王復其國

二十二年戊午春正月己酉朔立白髮皇子為太子

命奉迎丹波與佐真并原所在豐受太神九月十五

日己未祀之伊勢度會郡山田原新宮秋七月以下

鎮坐本紀

二十三年夏四月百濟文斤王卒本書二十一年作

天皇召昆支王第二子末多王于殿内面諭使歸王

其國賜兵器筑紫軍士五百衛送之筑紫安致臣馬

飼臣等率舟師擊高麗秋七月辛丑朔天皇不豫詔

事無巨細就皇太子取決八月七日丙子大漸與群

臣辭訣握手歔歔是日崩于大殿本書享年闕舊事

百二十四水鏡一代要記曰九十一神皇正統記曰

八十愚管鈔曰百四按下書允恭帝七年十二月皇

后產大泊瀬天皇之夕帝始幸藤

原宮據此推之則實為六十六遺詔大伴室屋東

漢掬曰方今區宇一家煙火萬里百姓父安四夷賓
服此乃天意欲寧區夏所以小心勵已日慎一日益
爲百姓故也臣連伴造每日朝參國司郡司隨時朝
集何不罄竭心腑誠救然懇義乃君臣情兼父子庶
藉臣連智力內外歡心欲令普天之下永保安樂不
意遘疾彌留至於大漸此乃人生常分何足言乎但
朝野衣冠未得鮮麗教化政刑猶未盡善輿言念此
永以爲恨今年踰若干不復補天筋力精神一時勞
竭止欲安養百姓所以致此允生子孫誰不屬念旣
爲天下事須割情今星川王心懷悖惡行闕友于古

人有言知臣莫若君知子莫若父縱使星川得志共
治家國必當戮辱遍於臣連酷毒流於民庶此雖朕
家事理不容隱皇太子地居上嗣仁孝著聞察其行
業堪成朕志與之共治天下朕瞑目無復所恨先是
將軍吉備尾代將蝦夷五百征新羅至吉備蝦夷等
聞天皇崩相謀侵掠郡縣尾代討悉平之天皇初以
心爲師好輕殺人壁率史部身狹青檜隈博德等天
下謗曰大惡天皇獵葛城山與一事主神遇並轡馳
逐及昏而罷神送天皇於來目水百姓歎惜更稱有
德天皇百濟米女池津媛與石河橋橋姦使來目部執

二人縛手足於木置假^{カス}殿上焚死之獵御馬瀨大獲
鳥獸顧問群臣曰獵場之樂使膳夫割鮮孰與自割
群臣相視不對天皇怒手斬御者大津馬飼見者振
慄焉官之禽爲苑田人狗留死天皇怒黥其人爲鳥
養部時信濃武藏直丁相謂曰我鄉多鳥積如丘陵
何以一鳥之故黥人乎天皇聞而趣聚禽積之直丁
不能遽弁并爲鳥飼部其嚴峻如此嘗見木工猪名
部真根劉木以石爲質終日揮斧不毀其刃天皇異
之問曰汝無誤中石耶答曰不誤乃使采女裸體相
撲真根心動誤毀其刃天皇怒心術不正將刑之其

徒歎惜作歌諷之天皇聞而赦之逮末年留心政事
國家無爲葬河內丹比高鷲原陵追謚曰雄略天皇
清寧天皇初稱白髮皇子雄略帝第三子也母元妃
葛城韓媛生而白髮長而有愛民之心帝特異重之
二十二年立爲皇太子二十三年八月雄略帝崩星
川皇子謀不軌據大藏大連大伴室屋與東漢掬討
而平之十月四日壬申室屋率群臣奉璽於皇太子
元年庚申春正月十五日壬子水鏡爲四日要記四
日壬子今推干支正
月戊戌朔四日
辛丑二書誤命有司設壇場於磐余甕粟即天皇
位遂都焉是爲白髮武廣國押稚日本根子天皇尊

皇母曰皇大夫人平群真鳥爲大臣大伴室屋爲大連如故冬十月九日辛丑葬雄略天皇有隼人號泣陵側七日夜不食而死有司以禮葬之陵北

二年辛酉春二月天皇憂無子而名不稱於後世命

大伴室屋置白髮部舍人膳夫鞞負於諸國冬十一

月播磨國司伊與來目部小楠一名楠奏市邊押磐皇

子二子億計王弘計王在赤石郡縮見叱倉首忍海

部細目家天皇大喜使小楠持節迎之古事記曰清寧帝崩無嗣

飯豐王居角刺宮時山部小楠仕針間國宰飲酒列

民志自年家命衆更舞億計王弘計王共居龜前燕

火次至二王小楠聞哥知其皇種大驚馳驛告狀飯

豐王喜迎取入宮要記曰二年二月天皇憂無繼嗣

遣大伴室屋大連於諸國求皇種十月至播廣赤石

郡使小楠奉迎皇孫等正統記亦同按諸說與本書

以備姑存三年壬戌春正月丙辰朔小楠奉億計王弘計王至

攝津使臣連持節以王香蓋車迎入宮中夏四月七

日辛卯立億計王爲皇太子以弘計王爲皇子秋九

月二日癸丑遣臣連於諸國巡省風俗冬十月四日

乙酉詔罷獻犬馬器翫十一月十八日戊辰享臣連

於大廷賜綿帛任力取之是月海表諸蕃遣使貢調

四年癸亥春正月七日丙辰宴諸蕃使于朝堂賜物

有差夏閏五月大酺五日秋八月七日癸丑天皇親

錄囚徒蝦夷隼人竝內附九月丙子朔天皇御射殿
敕百僚及諸蕃使射賜物各有差

五年甲子春正月十六日己丑天皇崩本書享年開水鏡要記皇

年代畧紀竝曰年四十一皇代記葬河內坂門原陵

歷代皇紀曰四十二未可知是追謚曰清寧天皇

帝王編年記皇年代畧記坂門作雅田延喜式與本書同

顯宗天皇初攝弘計王一名來目稚子右事記作表

履中帝孫市邊押磐皇子第二子也母曰蕙媛初雄

畧帝殺押磐皇子也皇子悵內日下部使主本書注

下部連與其子吾田彥奉天皇及母兄億計王避難

於丹波余佐郡使主變名曰田疾來田疾來猶恐

見殺逃入播磨縮見山石室而自縊天皇不知勸億

計王向播磨赤石郡為縮見也倉首忍海部細目家

僮俱改名曰丹波小子吾田彥隨從不去困厄之際

未嘗失臣禮清寧帝二年十一月播磨國司伊與來

目部小楯徵新嘗供物至赤石郡本書註一曰巡行

宴縮見也倉首家天皇謂億計王曰避亂於斯年踰

二紀達情伸屈方在今夕億計王惻然曰恐祇招禍

告實被害孰如全身免厄天皇曰吾等去來穗別天

皇之孫而困事於人飼牧牛馬豈若顯名被害乎兄

弟相持而泣不能自禁億計王曰此事非弟則不能

濟也。天皇辭讓再三，億計王固強之。天皇從之。細目命二王秉燭，夜深酒酣，使家人起舞。次至二王，細目謂小楯曰：「僕見此秉燭者，先人而後已，恭敬退讓，可謂君子。於是小楯撫弦，使二王起舞。兄弟相讓久之。小楯責曰：「何不速舞？」億計王先起而舞，既而天皇起，整衣帶，歌曰：「伊儺武斯廬，舒歛沂比野，儺擬寐，逗愈凱麼儺，弭企於已陀。智曾能泥播，宇世儒，遂作殊舞。」本書注殊舞，謂之立出舞，立出此云陀，豆謂乍起乍居而舞也。唱曰：「倭者彼彼弟，原淺茅原，弟日僕是也。小楯聞而怪之，更使彼唱。天皇唱曰：「石上振之神，唱伐本，截末於市邊，宮治天下。」

天萬國萬押磐尊御裔僕是也。

按押磐皇子未嘗登位，仁賢帝諫頭宗帝。

新彰

語亦曰先王雖為皇統不登天位，此蓋欲新其為皇孫而故侈其言乎。

小楯大驚，離席

再拜率其屬，兼事供給，悉發郡民新造宮處之。自乘驛馳奏清寧帝，大喜曰：「朕無子，今天空博愛，賜以二兒，乃與大臣大連定議，使小楯持節率左右舍人迎之。三年正月，天皇與億計王至攝津，清寧帝使臣連持節以王青蓋車迎入宮中。四月，立億計王為皇太子。天皇為皇子。五年正月，清寧帝崩，皇太子讓位於天皇。天皇固辭而不從，於是飯豐青皇女本書為天皇姊，然據臨朝聽政。十一月九

本書履中紀古事記押磐皇子臨朝聽政十一月九之味而天皇之姑也。卿字蓋訛。

日戊寅葬清寧天皇是月飭豐青尊薨十二月百官
會于朝皇太子取璽置之天皇之坐再拜就諸臣之
位曰夫帝位有功者可以居之致有今日皆弟之功
也以天下讓天皇天皇固辭曰先帝欲傳位於兄立
為皇太子且為兄謀事而處其功失弟恭之義弘計
所不忍為也皇太子曰先帝所以屬天下於我者徒
以我居長之故而已弟道建利適聞者歎息彰顯帝
孫見者殞涕楮紳忻戴黔首歸心是以克固四維永
隆萬業功猷超邈無得而稱我雖是兄實無功德非
據而據咎悔必至吾聞天位不可久曠天命不可謙

拒第以社稷為計百姓為心發言慷慨至于流涕天
皇知其意確不得已許之而未遽即位世善其友第
能以實讓

元年乙丑春正月己巳朔天皇猶未即位大臣大連
等奏言皇太子德輝明茂推讓謙恭陛下當奉鴻緒
為郊廟主上膺天心下厭民望而不肯踐祚臣庶蕃
國莫不失望天命有屬宜從皇兄之命兼繼大業乃
召公卿百僚於近飛鳥八鈞宮即天皇位本書註一
本日弘計
天皇宮有二一宮於小郊一
宮於池野或云宮於甕栗是為弘計天皇以皇兄
億計王為皇太子是月立難波小野王為皇后赦天

下平群真鳥為大臣大伴室屋為大連如故下平群以舊事紀曰物部小二月五日壬寅詔曰先王遭離多難殞命荒郊朕幼年亡匿猥纂大業廣求御骨莫能知者痛恨何堪乃與皇太子哭泣憤惋不能自勝是月召聚父老親臨亟問有一老嫗知其所於是行幸近江來田綿蚊屋野改葬押磐皇子三月上巳幸後苑始設曲水宴本書二年三月三月上巳並書曲水元年三月三日書宴王親百寮於東安殿聖武帝室龜三年以後往往書曲水宴未知何時定為永式然公事根源曰始于雄略帝元年未知何據也夏四月十一日丁未詔曰授官賞切所以勸入也前播磨國

司來目部小楠求迎舉朕願切惟茂所志願勿難言小楠請為山官乃拜山官改賜姓山部連以吉備臣為副五月狹狹城山君韓城嘗與謀殺押磐皇子敕減其罪削籍充陵戶隸山部連古事記曰初天皇避山代猪耳老人來奪其糧及即位斬之於飛鳥河原刑其族其孫入京必殿云據本書天皇有君人之德不必以一飯之故而施刑戮今以宥六月幸避暑殿三年丁卯春二月丁巳朔使河內事代于任那夏四月十三日戊辰置福草部二十五日庚辰天皇崩于八釣宮本書享年關古事記水鏡曰三十八要記皇紀正統記皇年代畧記並云四十八未孰是葬傍岳磐坏丘陵磐坏丘陵南陵天皇久在民間

知百姓疾苦每見枉屈若納溝隍布德施惠政令流
行卹貧養寡天下親附民無徭役歲比登稔粟斛銀
錢一文百姓殷富牛馬被野追謚曰顯宗天皇

戊戌夏五月十六日謹書焉之

中村萬喜直衛

大日本史卷五終

